

Arashi cu un imagen mas organisa y cu facilidadnan pa tur usuarionan

Diahuebs mainta a tuma luga entrega oficial di e proyecto na e beach di Arashi. Esaki ta un proyecto den cuadro di mehoracion di Producto Aruba cu enfoke riba mehoracion di nos beach-



nan. Arashi awor ta conta cu un facilidad nobo cu lo por brinda servicio na e usuarionan di beach cu baño publico, douche y te hasta un kiosco cu ta bay ofrece e oportunidad pa cumpra bebida y cuminda.

A percursa tambe pa un capa nobo di santo blanco riba henter e beach. E proyecto a inclui tambe un espacio pa warda e stoelnan cu actualmente ta ubica riba e santo bunita di Arashi. Un aspecto unico ta e rampa pa facilita e

personanan cu limitacion fisico. Avor nan por yega mas cerca pa disfruta di nos dushi lama. E rampa ta yega na un palapa pa complementa nan experiencia di e Arashi nobo. Un inversion di casi 700 mil florin financia pa e fondo di TPEF.

E meta principal ta pa baha e presion di e turistanan crucero cu ta haci uzo di e beachnan na Palm Beach pa motibo di e facilidadnan, haciendo uzo di e areanan dilanti e hotelnan asina congestionando creando situacionnan desagradabel. Den e proyecto

aki a percursa un cantidad di palapa adicional pa cumpli cu e demanda di e cantidad di usuarionan y turistanan di nos barconan crucero.

Minister Oduber ta comenta: "Awe ta entrega oficial di Arashi y dentro di poco nos lo ricibi tambe e proyecto di Nikki Beach cu tambe ta bin cu su kiosco, facilidadnan, mehoracion di e calidad di awa di lama y espacio di parkeer. Un otro proyecto grandi den mehoracion di calidad. Asina cu esaki tuma luga nos ta sigui cu e proyecto na e

beach ubica na Zeewijk." E prome proyecto tabata esun na Baby Beach cu tambe a conoce cambianan drastico. Kier mehora e calidad di Eagle Beach tambe.

"E anja aki ainda kier inicia cu e prome 2 kiosconan di 5 den total riba henter e area di Eagle Beach pa por brinda servicio. Kier acelera e proceso pa por cumpli cu e demanda di e cantidad grandi di bishitantenan cu nos ta spera di barconan crucero pa aña 2016." Di e forma aki ta percursa cu tin facilidadnan disponibel pa

usuarionan, brindando diferente beach como opcion, evitando e congestion den e area di hotelnan. E a crea e oportunidad pa e

tour busnan pa bin cu nan clientenan y reparti nan na e diferente beachnan unda lo tin baño disponibel cu nan lo por fresca prome cu subi nan barco bek di crucero.

Aruba awor por ta orguyoso di e cantidad di opcion di beachnan, cu un calidad hopi halto y cu facilidadnan unico pa su usuarionan. □

